



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1843

DLV. König Friedrich verspricht dem Grafen Berthold von Henneberg, alle
Kaiserlichen Privilegien zu bestätigen und keine Ansprüche auf die von
seiner Schwester, der Markgräfin Anna von Brandenburg, ...

Nutzungsbedingungen

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

quibus illustris Bernhardus, Comes de Anhalt, Princeps et Affinis noster carissimus, longe lateque laudabiliter commendatur, ac multiplicia obsequia, que nobis et Sacro Romano Imperio exhibuit, et in antea studiosius exhibebit, eidem Bernhardo, meritorum ipsius obtentu, ac Illustribus Alberto et Woldemaro Comitibus de Anhalt, Patruis dicti Bernardi, et ipsorum Heredibus, Comitatum Palatinum Saxonie, Principatum et Marchiam in Lantsperch, cum omnibus munitionibus, villis, curiis, bonis quibuscunque et obventionibus ab utraque parte Fluvii Sale, ad dicta dominia seu Principatus spectantibus, cum omnibus bonis simpliciter ac universaliter, que nunc inclita Agnes Marchionissa Brandenburgensis, Soror nostra carissima, possidet, et que ad ipsam devoluta sunt ex obitu Illustrum Hinrici Senioris Mariti ipsius, ac Hinrici Junioris Nati ejusdem, Marchionum Brandenburgensium, queque predicti ab Imperio tenuerunt in feodum, contulimus, ac dictum Bernhardum, Patruos ipsius et heredes eorundem, de omnibus prenomminatis auctoritate regia liberaliter tenore presentium investimus. Insuper infeodamus predictos de Caltris Imperialibus Ghöffhuffen et Altstede cum omnibus redditibus, fructibus, juribus, spectantibus ad ipsa, hac conditione, quod munitionibus et bonis, quas et que dicta Soror nostra Marchionissa Brandenburgensis nunc tenet et possidet, per vite sue tempora sine diminutione qualibet libere usufruatur, post cujus obitum omnia predicta dictis Bernhardo et Patruis suis ac ipsorum Heredibus plene cedent. In cujus rei testimonium presentes literas conscribi et nostre Majestatis Sigillo jussimus communiri. Dat. in Franckenfort oppido nostro regali, V. Kal. Octobris, Anno Domini millesimo tricentesimo vicesimo, Regni vero nostri Anno sexto.

Nach König's Reicharchiv (Bd. X.) Part. spec. Cont. II, Fbl. III, Fortf. III, S. 166. Gesch. der Pfalzgrafschaft Sachsen S. 208. Leuckfeld Antiqu. Kelbrac. et Altstedenf. S. 272. Beckmann's Anhalt. Historie IV, IV, S. 529. Buchholz's Gesch. der Churm. V, Anh. S. 30.

DLV. König Friedrich verspricht dem Grafen Berthold von Henneberg, alle Kaiserlichen Privilegien zu bestätigen und keine Ansprüche auf die von seiner Schwester, der Markgräfin Anna von Brandenburg, und von ihrem Sohne Johann gekauften Güter in Franken zu machen,
den 24. November 1320.

Nos Fridericus, dei gracia Romanorum rex, semper augustus, Ad uniuersorum noticiam publicam cupimus peruenire, quod ob nexum affinitatis et mere fidei constanciam, quibus illustris Berchtoldus comes de Henneberch, princeps noster dilectus, nostre maiestati familiariter est coniunctus, sibi liberaliter promittimus et spondemus, quod omnia priuilegia super iuribus, libertatibus et graciis quibuscunque, sibi a diue recordacionis Romanorum regibus et imperatoribus, predecessoribus nostris illustribus, indulta et tradita, approbare et de certa sciencia innouare, ipsumque et suos heredes de suis feodis veteris et noui domini sui, et nominatim de castro Schawenberch et suis pertinenciis, inuestire auctoritate re-

gia debeamus, cum primum super hiis per eum fuerimus requisiti. Preterea nostro et karissimorum fratrum nostrorum, Liupoldi, Alberti, Heinrici et Ottonis, ducum Auftrie et Styrie illustrium, nomine, recognoscimus publice profitentes, quod nobis et eisdem fratribus nostris nichil iuris seu actionis competit in castris, municionibus seu bonis, fitis in terra Franconie, que predictus comes Berchtoldus a preclara Anna, marchionissa Brandenburgensi, sorore nostra karissima, ac ab illustri Johanne, ipsius filio, bone memorie, dinoscitur emptionis titulo comparasse, quodque sibi vna cum dictis nostris fratribus ad tuitionem et gubernacionem bonorum predictorum contra violentos inuasores et occupatores ipsorum assistemus et cooperabimur toto posse. In quorum omnium euidentiam atque robur sigillum nostrum duximus presentibus appendendum. Et nos Liupoldus et Henricus, dei gracia duces Auftrie et Styrie predicti, pro nobis et nostris fratribus, Alberto et Ottone prenotatis, confitemur, premissa esse vera, ipsaque rata velle habere, et cum nostro assensu et consilio esse facta: ac in eorum euidentiam sigilla nostra presentibus appendisse. Nos quoque Johannes, dei gracia episcopus Argentinensis, ante dicti regis cancellarius, tractatibus predictis interfuisse eosque comportasse, fatemur presentibus, quibus eciam ad maiorem noticiam premissorum nostrum sigillum duximus appendendum. Datum Wimpine, VIII^o. kalendas decembres, anno domini millesimo trecentesimo vicesimo, regni vero nostri Friderici anno sexto.

Nach Schöppgch, Hensch Urkundenb. S. 83. Nr. CXLIII.

DLVI. König Ludwig bewilligt dem Herzog Warzlas von Pommern ein Jahr Aufschub wegen der Lehsempfahung und verspricht demselben, ihn inzwischen keinem andern Herrn zu unterwerfen, auch wenn die Mark Brandenburg mittlerweile einem Fürsten verliehen werden sollte, am 28. Dezember 1320.

Nos Ludovicus, Dei gratia Romanorum REX, semper Augustus, ad vniuersorum noticiam volumus peruenire, quod humilibus supplicationibus Illustris Wartizlai, Ducis Slauorum, Principis et affinis nostri karissimi, graciosius inclinati, eidem permittimus, cum propter diferimina viarum nostram nequeat accedere cellitudinem, vt a receptione feodorum suorum, a nobis et imperio recipiendorum, supersedeat a festo pasche proxime venturo ad vnum annum integrum: nec sibi ex hoc aliquod preiudicium quoad predicta feoda volumus generari. Medio etiam tempore nulli alteri dominio seu domino predictum Wartizlaum subici volumus, eciam si de principe Imperii prouideremus Marchie Brandenburgensi, preterquam nobis et sacro Romano imperio, cui diuina fauente elementia presidemus. In cuius rei testimonium presentes conscribi et nostre Maiestatis sigillo iussimus communiri. Datum Nvrenberg, V^o. kalend. Januarii, anno domini M^o. CCC^o. vicesimo, Regni vero nostri septimo.

Nach dem Originale im R. Provinzial-Archive zu Stettin.